



先秦 — 清末民初

中國野史集成·續編編委會
四川大學圖書館

編

中國野史集成

續編

錢鉞題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

27

巴蜀書社·中國·成都

目錄（第二十七冊）

國朝掌故輯要	一
皇朝瑣屑錄	三一九
金壇獄案	七一九
過墟志	七二一
戴重事錄	七三一
東塘日劄	七三二
五藩禱乘	七四〇
安南使事紀要	七五〇
盾 墨	七八八
平定羅刹方略	八一九
乾隆英使覲見記	八四四

光緒壬寅夏月

國朝掌故輯要

星沙王先謙題

昌江岳雲

山館梓行

叙

昌江一靈傑之區也幕阜連雲得乾坤正氣積數百年而一洩於十三君子壘出其中生其後者既覽名勝又沐宋儒遺風縱不盡高言性道而鍾其靈秀必有矯然特出擅才學識三長者嘗觀邑志藝文如李嘗之古今評史李自芳讀史攷鍾靈史餘散草類皆以史學名家惟艾而康抗心希古以述史明道爲己任續綱目大全乃本傳不載豈有其目而無其書歟甚矣成書之難也林子雲區平邑績學士也生今之世用今之禮其志專主乎從周自開國以來金簡玉函凡有闕國朝掌故者博觀而約取成書

國朝掌故輯要

卷一 敘

鴻文閣

二十四卷顏曰輯要昔晉質之督學朱肯夫宮詹矣計云班固之成書也出自家庭陳壽之草志也擬於私室浦起龍嘗言之矣宋陳均詔撰九朝編年備要詔北宋九朝事迹大抵據日歷實錄參以李燾長編而以他書附益之宋熊克著中興小紀起建炎丁未迄紹興壬午以小別之明非官撰也茲閱所輯年經月緯增簡刪煩綱舉目張有條不紊殆變班陳之面貌步陳熊之後塵乎努力輯成定當不脛而走風行海內矣後十餘年南海洗雪晦明府來宰斯邑慨然摻羅文獻得是編而評之曰讀輯要二十四卷具見本原自編年變爲紀傳大漢以後罕有精木輯要仿

依荀氏家法於 國家經制能舉其綱一人一事有本有末足徵心得編成藏事請付之手民以惠學者日垂久遠是二評也足弁簡端矣而乃以序言屬予予何言哉恭讀論旨請求實學丕變舊章以策論經義取士並合中外政治史事藝學定爲程式舉二百餘句帖括之積習一舉而新之是誠識時務者所宜留心也林子纂言紀事匪直提中國之要時亦提外國之要將以擴中外一統之基而不徒以編年見焉此胡文定公讀通鑑舉要所以稱爲典要之總會也作者之意其在斯乎其在斯乎若夫體制謹嚴別龍門而宗涑水不愧名山著述前二評已括其要矣

國朝掌故輯要

卷一

國文閣

初稿贊光緒壬寅秋七月清泉咸元凱校

錢

天差而西歲差而東孰竟典以測令世之天而天淵矣十數湮九九河關八軌出貢以度今世之地而地錯矣韓子謂非三代兩漢之書不敢觀蓋稽古之事云然居今之世策今之治則 本朝 列聖之書者舊之蹟可忽視乎墨子之法夏也儒者訟言非之爲其反古也管子變周非盡詭於周也而已基霸道之始荀子曰道過三代謂之蕩法二後王謂之不雅荀之法後王也蓋取其切近而易於行也所謂欲觀帝王之迹必於其粲然者乎 國朝政典肅皇相積二百餘年矣祕館所登宿儒所采竝有專書從無

國朝掌故輯要

卷一

國文閣

提要之作林子雲區迫宗左史規通鑑體製成書廿四卷顏曰 國朝掌故輯要竊嘗讀之殆有卓軼古今者乎古有經無史司馬氏郡爲史例歷代因之曰書曰紀曰傳曰志曰典曰畧曰紀要多借才異代以成一代之書林子生於當代取當代貞元運會之故綜其行事裁以識斷起自興王迄於 穆宗以 本朝爲疆畔是卽春秋尊一統之義與今天下多故矣 天子刻意求才深悉時文腐敝無當濟世之宜乃令頒實學仿漢唐策士之條重試策論設經濟特科俾天下士實事求是胥勉於有裨有用焉甚咸舉也而侈著作者輒編輯方言稗史異域奇書周布天

下謂以是博通中外則人才出也而人心已深受其惑矣
林子惟兢兢於我朝聖訓尤節取名臣奏議訖禮樂
兵農諸大政攬要審中務成完本一切鬼瑣不經之談削
不登錄豈第嚴體例哉以治法莫詳於是也嗚呼誠有志
於經世之譽乎然則處今世而言經世毋侈言變法也善
守法焉亦不變之變矣定鼎以來勝朝所不便於民者
列祖列宗已酌劑而釐剔之開國之天下不啻大治
矣哉治開國之天下曷不可治今世之天下揚子云眾務
紛錯懸諸天羣言淆亂折諸聖今日謀國者紛紛矣且務
談新法矣稽列聖之典行列聖之政以復列聖之

國朝掌故輯要

卷一

治將於是有賴焉爰爲之叙以質諸當世之留心時政
者光緒壬寅夏五月新化張伯基拜叙

叙

記曰剛日讀經柔日讀史揚子雲曰多聞則守之以約多
見則守之以卓史爲經翼顧不重乎士人潛修爾室博覽
羣書上下數千年縱橫九萬里尙當體會胸中而資考訂
況食毛踐土深荷君恩者哉國家體恩厚德隻
古無兩史臣載筆信而有徵矧聖祖仁皇帝高宗純
皇帝又各屢降諭旨謂朕之政治天下人必共知之芻
蕘之采士庶不遺胥是道也林子雲區績學士也歲辛丑
出所編輯國朝掌故輯要二十四卷見示年經月緯攷
覈翔明知其所守者約故能化泛濫爲謹嚴所守者卓故

國朝掌故輯要

卷一

叙

鴻文閣

能變繁縟爲精當洵足信今傳後垂示永久云光緒辛丑
冬十一月星沙張伯基拜叙

叙

自海禁開通電報驛驛兩政外夾日不暇給時變者乃
致意於興學育才謂當察千載賦製之理衡五洲強弱之
形因時制宜取長益短民智大啟國勢自張然而四庫所
儲風讀難偏新理日出轉譯滋多橫舍明暗畢世莫究三
年之艾庸有翼乎是故昔之著書也貴詳今之著書也貴
簡黜破碎之習省迂迴之程惜其時力微請實用簡則易
從信不誣矣且夫宇內萬國載籍可考有政有教中國最
先唐虞以來世禩綿邈因革損益史不絕書然未有如我
朝 聖聖相承垂熙累洽功德之盛民無能名者也顧

國朝掌故輯要

卷一 教

鴻文閣

史官載記中祕罕窺諸家撰錄卷帙繁重夫徒述先代之
舊與探域外之奇而叩以 本朝掌故則惜乎無所聞是
何異戴高者不知有天推本者自忘其祖狗人而遺亡
守古而昧今吾未見其可也今林子是編以年統月以事
隸日好學深思博觀約取書凡二十四卷而我 朝二百
餘年之紀綱本末釐然繁縷一覽胥可得焉其於研求當
世之務豈曰小補之哉長沙陳保彝叙

叙

史者編年紀事尼父春秋因魯史而成故曰述而不作自
司馬史記變為紀傳表書班氏漢書因之晉令云國史之
任委之著作每著作郎初至必令撰名臣傳一人自是體
益變文益繁例亦益增其間得失是非遂遞相掩蔽而抄
實錄皆作也非述也至溫公通鑑崇陽綱目釐正史例恪
遵尼父眉目昭然庸儒淺陋又謂委巷樵額之士不足編
輯國史孰是說者匪獨不知班氏漢書陳氏三國志始皆
撰諸私家並不知春秋左傳當年亦皆私藏越數百年而
行世也林君雲區精粹史學弱冠嚙史取廿四史精義編

國朝掌故輯要

卷一

教

鴻文閣

成韻語十卷待梓晚益稽古而考今欽仰 國朝 聖聖
相承 深仁 厚澤超邁千古鈔摘本 朝紀錄各種書
暨邸鈔奏報芟繁撮要用編年紀事史例名爲 國朝掌
故輯要凡有關於忠奸進退制度興革兵事終始足爲鑑
鏡不厭其詳而猶截渾稿不厭其簡誠述史之練達者歟
劉子元史通曰國史之美者以敘事爲工敘事之工者以
簡要爲主文約而事豐此述作之美者也林君可謂工述
者矣光緒辛丑夏四月黃乃正拜敘

例言

一國家光宅函夏幾三百年 厚澤深仁淪浹肌髓僕庸
以下莫與京也前代朝政編爲實錄草莽太液池真藏
皇史宬朝臣非頂藝修皆不得見我 朝頒發 方畧
聖訓中外臣民皆得仰窺 詰典鳴咽淵祖方策炳
麟甚幸事也自是名宿輩出其以 列祖 列宗政治
編輯爲書者不啻數十百家以視南宋以來舊本藏之
秘府相去天淵但書籍浩繁購閱爲難是集專遊 聖
訓旁采各家專集成書二十四卷名曰 國朝掌故輯
要卽書所謂詞尚體要也

國朝掌故輯要

卷一 國音

鴻友閣

一史家有歷代編年竹書紀年以下是也有一代編年苟
悅漢紀以下是也自是以降司馬氏光有稽古錄李氏
燕有續資治通鑑長編林氏騶有皇鑒要明鄭氏曉
有吾學篇皆以國史編年我 朝龍興遼瀋 列聖繼
承若 聖武記 皇朝武功紀威嘯亭雜錄東華錄等
書於屢朝事跡多所采摭若平定三藩朔漠台灣羅刹
西藏金川青海回疆廓爾喀臨清教匪天理教匪川陝
楚教匪苗匪髮逆捻逆方畧多載武功若 皇朝三通
會典律例五禮通考讀禮通考學政全書多載典制若
滿漢名臣傳先正事畧奏對單記者庶幾微各家奏議

多載政治若一統志郡國利病書中外一統輿圖方輿
紀要瀛環志畧海國圖志乾隆府廳州縣圖志多載輿
地若 省方盛典 南巡盛典多載 天章茲集於各
書籍皆有節錄一切裨官野史不經之說概不登載其
體例則仿照官文恭平定粵匪紀略蓋猶是荷悅漢紹
意也

一國家政治有前代萬不能逃者一審隹 儲貳一獨
免錢漕一永停編審一滋生人丁永不加賦一攤丁地
畝一不任中官外戚一嚴禁朋黨一除廷杖鎮拏大臣
凡此數端眞能體堯舜分旻股育周茲集於此數端敬

國朝掌故輯要

卷二 國音

鴻友閣

謹登錄以見中外歌功詠德之由以垂臣子更章生事
之戒

一恭錄 諭旨有數千言錄數百言數十言者有數百言
錄數百者其他節鈔各種書籍靡不肯然蓋限於篇幅
不能全載且讀先正編纂諸書原有是例並非割裂
天命天聰崇德上溯 肇 興 景 顯 四祖暨朱
果降祥事實備載 開國方略茲集於 龍興時事附
世祖章皇帝提綱之下以見造宮白毫之意 今上
億萬年政事容俟續編
一繙譯人名言人人殊如布那敏一作卜羅呢都一作布

拉呢敵策妄那布坦一作策妄阿拉布坦阿睦爾薩納
一作阿爾薩納額倫特一作額凌特請如此類不可枚
舉所見異詞所聞異詞所傳聞又異詞與各載籍不能
盡合閱者商之

一晉陶潛入宋不仕綱目以晉徵士陶潛卒書之注曰明
其不願於宋也我朝優禮勝朝無微不至如張楊國
孫夏峯王而農顧亭林黃梨洲諸大儒在前明未登顯
仕入本朝又未受徵聘然其羽翼文教二十餘年未
可以題義熙甲子之陶潛比也茲集於各先正之卒惟
大書姓名亦綱目書某某卒之意也

國朝掌故輯要

卷一

三

鴻友閣

一 同治元年論曰外國交涉事件自道光三十年以後另
編爲書茲集仿照編輯四夷列傳史例其於外國事件
畧約紀載以見中外今昔之異交涉之難防杜之漸
一 集內擡頭字眼照東華錄體例無論三擡雙擡單擡均
空一格

一篇幅狹隘掛漏貽譏惟撮其要以便家置一冊舟車携
帶彙閱皆窺其質高深識者諒之

光緒二十八年壬寅夏六月平江林熙春雲區識

國朝掌故輯要卷之一

平江林熙春雲區編輯

世祖章皇帝

上姓覺羅愛新諱上一字福下一字臨滿洲人先是遼
金未造有仙女浴長白山池吞朱果有身生聖人曰
布庫里雍順居長白山東鄂謨思野鄂多里城號滿洲
即古肅慎地傳至肇祖居赫圖阿喇地肇祖生
興祖興祖有子六人築城分居稱甯古塔貝勒是曰
六祖興祖第四子生景祖景祖生顯祖
顯祖生太祖太祖稱聰睿貝勒時圖倫城有兀堪外蘭藉
明總兵李成梁戕景祖顯祖二祖太祖傷之詰明

國朝掌故輯要

順治元年

鴻友閣

遷吏明歸我二祖喪與敕三十道封龍虎將軍太
祖伐尼堪外蘭殺之乃定國政制國書萬曆三十
四年丙午蒙古尊太祖爲神武皇帝以揚古利費
英東額亦都扈爾漢何和里爲五大臣葉赫九國東海
各部皆歸之乃設牛象甲喇固山梅勒四額眞又設紅
黃藍白四旗各以其色鑲之是爲正鑲八旗之始萬曆
四十九年庚申太祖建元天命濟陽諸生滿文穆來
歸命直文館太祖因二祖被明害以七大恨事告
堂子征明撫順撫順克明臣王命印死之李永芳降
薩爾濟之戰我勝明敗明之亡兆此役矣天啟元年都

遼陽十一年都瀋陽十一年太祖崩立皇太極爲太子是爲太宗紀元天聰設八大臣及十六臣崇禎元年明陝西監高迎祥起稱闖王三年我師伐明五年始造大礮定官職設六部明孔有德降命巴克什達海以國書十二字頭加圈點以示別七年明臣耿仲明尙可喜來歸以瀋陽名盛京赫圖阿喇名興京開科取士申定服式冠飾頂戴是爲開科頂戴之始九年得傳國璽十年察哈爾內附取朝鮮明殺高迎祥李自成稱闖王我朝改元崇德國號大清廷議太祖之子稱阿哥六祖之子稱覺羅封諸子爲親郡王是爲封

國朝掌故輯要

順治元年

鴻文閣

王之始又設國史秘書宏文三院大舉伐明二年設議政大臣三年立六部理藩院入衙門三路伐明七年禽明薊遼總督洪承疇八年克明薊州充州○年太宗崩立皇九子爲皇太子康熙和太皇太后所生也以明年甲申爲順治元年初上未嗣立時多羅郡王阿達理因山貝子碩托擁戴睿王多爾袞自立於是禮親王睿親王自其言於眾質訛皆實阿達禮碩托皆伏法上既立以鄭親王濟爾哈朗睿親王多爾袞爲輔政大臣放太祖之子元妃佟甲氏生褚英生代善次妃察富氏生莽古爾泰生德格類次妃葉赫納喇氏生

太宗皇帝生多爾袞生多鐸側妃伊爾根覺羅氏生阿巴泰庶妃阿代氏生陽古代生塔拜生巴布泰生巴布海生賴慕布上爲太宗次子崇德三年戊寅正月十三日甲午戌時生上於盛京孕十一月比誕之前太皇太后有紅光繞身侍女驚以爲火近救不見又誕之先夕夢神人抱子授之曰此統一天下之君也在位十八年

順治元年明崇禎十七年春正月庚寅朔帝祭堂子還御殿受朝賀禮成

時諸藩使臣有跪拜參差者帝詢問知爲阿祿喀爾

國朝掌故輯要

順治元年

鴻文閣

喀使臣也以初投誠未嫺禮節帝置不問李自成僭號於西安○二月丁卯遣官祭先師孔子○三月丙午流賊李自成陷明燕京明帝殉國明大學士范景文等死之大監王承恩殉於側明大同總兵姜瓖宣府監視太監杜勲降逆賊李自成賊犯居庸關守將唐通太監杜之秩以開降三月十八日太監呼城上人請入城見明帝監視太監曹化淳縋之入內明帝怒叱之出杜勲曰吾輩富貴固在也及日晡化淳啟彰義門李自成統賊眾入明帝出宮登煤山自縊亭之海棠樹下太監王承恩對縊明帝出宮登煤山以髮覆

面服白袖短藍衣元色鑲邊白綿紬背心白紬褲左足
跌右足有綾機紅方烏衣前有御筆血詔云朕自登極
十七年敵入內地四次逆賊直逼京師維朕薄德匪躬
上干天咎然皆諸臣誤朕朕死無面目見祖宗於地下
去朕冠冕以髮覆面任賊分裂朕屍勿傷百姓一人賊
遣太監市柳木棺枕以土塊停東華門外施茶菴尋以
丹漆棺殯帝以黑漆棺殯后加帝翼長冠衮玉滌金靴
后袍帶亦如之大學士范景文字夢章吳橋人草遺疏復大書甲
身為大臣不能滅賊雪恥死有餘恨赴古井死諡文貞

國朝掌故輯要

順治元年

四

鴻文閣

戶部尚書倪元璐字玉汝上虞人整衣冠拜闕大書几上曰南都
尚可為死吾分也勿以衣冠斂暴我屍聊誌吾痛自縊
死諡文貞左都御史李邦華字孟開青水人走宿文信國祠曰邦
華死國難請從先生於九京矣為詩曰堂堂丈夫兮堅
賢為徒忠孝大節兮誓死靡渝臨難授命兮吾無愧吾
投縊死諡忠貞兵部侍郎王家彥字問美南川人自縊民舍賊焚
其一臂諡忠貞刑部侍郎孟兆祥字九吉澤州人城陷時痛曰社
稷已覆吾將安之自經死子章明市成進士兆祥押之

去章明曰君父大節也君亡父死我何生為投縊父側
兆祥妻呂氏章明妻王氏相向哭既而曰彼父子死忠
矣我二人獨不能死乎皆自經兆祥諡忠貞左副
都御史施邦曜字爾瞻餘姚人仰藥死諡忠貞大理寺卿凌義渠
字汝甫門生勸無死義渠厲聲曰爾當以道義相勸何姑
息為遂自焚書籍曰無俾汚賊手也且日具緋衣拜闕
作書辭父絕吭死諡忠貞左諭德馬世奇字君哲無錫人見城陷
曰吾死矣僕曰如太夫人何世奇曰正恐辱太夫人旋

國朝掌故輯要

順治元年

五

鴻文閣

二妾朱李自縊世奇亦自縊諡文忠太常少卿吳麟徵
字鳳生城陷自經諡忠貞右庶子周鳳翔字儀伯新江人以李自成
據御座鳳翔至殿前大哭題詩畢命曰碧血九原依聖
主白頭二老哭忠魂諡文忠左中允劉理順妻苗氏妾
李氏先死理順大書曰成仁取義孔孟所傳文信踐之
吾何不然投縊死諡忠貞檢討汪偉字叔度休寧人自縊死諡忠貞
殺都給事吳甘來字受和所昌人檢几上疏草曰當賊寇縱橫時
徒持議論無益也盡焚之無釣後世名投縊死諡忠貞

御史王章字虞臣 罵賊不屈賊怒殺之忠烈 御史陳良

謨字士亮 聞帝崩哭曰主上不冕服臣亦不敢具冠帶自

經死諡恭節 太僕丞申佳允字孔嘉 李自成陷居庸關歎

曰京師不守矣貽子涵光書曰行己曰義順數日命義

不可背命不可違天下之事莫不壞於貪生而畏死死

於疾死於利死於刑僇死於房帷死於戰場均死也死

數者不死君父蓋亦不善用死矣城陷冠帶辭母赴巨

井死未死時命僕告太夫人曰有子作忠臣勿謂傷也

國朝掌故

順治元年

漢文閣

兵部郎中成德字元一 卽施茶菴哭帝者合門鉤

難諡忠愍 吏部員外郎許直字魯若 城陷賊令百官報名

直曰身可殺志不可奪自經死諡忠愍 兵部主事金鉉

字伯玉 見宣府陷烽火逼京師鉉請母逃鉉母章氏年八

十餘阿曰爾受國恩我不受國恩乎廡下井是吾死所

也城陷鉉死之母亦就義妻王氏隨之諡忠愍 先是李

自成僭帝國號大順紀元永昌至是自成升座若有神

人擊之者座下龍爪鬚俱動自成恐謀歸西安

夏四月逮肅親王豪格於獄既而釋之

固山額真何洛會等計告肅親王豪格寢詞悖妄意若

曰攝政睿親王病夫也不宜攝政宜我攝政奉行 豪格於獄既而釋之

兵部尚書洪承疇啟攝政王多爾袞等殄滅流寇從之

啟畧曰賊賊宜先宣布示以不屠人民不焚廬舍不掠

財物之意而各府縣開門歸降官則加陞軍民秋毫無

犯有首倡內應者破格封賞流寇得京城財足氣驕今

宜計道里限時日輜重在後精兵在前從冀州密雲近

京處所疾行而前賊走則追剿倘仍據險城則撲滅更

國朝掌故

順治元年

漢文閣

易流寇十餘年來用兵已久雖不能與大軍抗拒亦未

可以昔日漢兵輕視也多爾袞納之時大兵破李自

成山海關自成奔還京師歸奔山西

壬申睿親王多爾袞師次翁後明平西伯吳三桂遣副將

楊坤等致書攝政王多爾袞多爾袞報之吳三桂降

三桂書畧曰先帝不幸九廟灰燼泣血求助滅流寇於

宮廷則我朝之報北朝豈惟財帛將裂地以酬王得書

報曰向欲與明修好若今日則不復出此惟有底定國

家與民休息而已昔管仲射桓中鉤後用爲仲父伯若

率眾來歸必封以故土晉爲藩王世富貴如山河之

承也。○吳三桂字長白，高郵人。父襄官提督，先是三桂持千金買名妓陳沅為妾，城陷吳襄與陳沅皆為李逆所掠，至是三桂降於我。

丁丑師次連山。○戊寅，師次山海關。

師駐關外十里，一片石。遇賊，唐通我兵數百騎擊敗之。己卯，封吳三桂平西王。

王命三桂兵以白布飾肩為號，大敗賊兵，追殺四十里。是日大風，迅作，塵砂蔽天，諸軍齊進，風遂止。賊遁北京，獲駝馬輟幣無算。晉吳三桂爵平西王，予馬步兵一萬。壬午，師次撫甯。○癸未，次昌黎。○甲申，次灤州。○乙酉，次

國朝掌故輯要

順治元年

八

鴻文閣

開平衛。○丙戌，次玉田。○丁亥，次羅公店。薊州監軍道李永昌迎降。○大學士范文程建議討賊。

議曰：自李逆猖狂中原，塗炭近且，傾覆京師，戕厥君后，此必討之賊也。雖擁眾百萬，然揆其敗道有三：一、禍殞其主，天怒矣；二、刑辱播紳，拷劫財貨，士憤矣；三、掠民費財，淫人婦女，火人廬舍，民恨矣。備此三敗，行之以驕，可一戰勝也。尋草檄宣佈言：大兵之來，為爾等復君父仇，非敵百姓也。今所誅惟李逆，官來復其官，民來復其業，必不爾害，民心大安。

五月戊子朔，師次通州，百姓迎降。○己丑，大兵定燕京。

多爾袞與吳三桂追李逆，李逆挾太子二王遁陝西，大兵入北京，故明官員出迎五里外。多爾袞進朝陽門，老幼焚香跪迎。內監以故明鹵簿御前，陳皇城外，跪迎道左。故明王乘輦，王曰：「平法周公輔冲主，不當乘輦。」眾曰：「周公負展聽政，今宜乘輦。」乃令內侍向宮門陳設，百姓安堵，秋毫無犯。

辛卯，以帝禮葬明帝，詔吏民服喪三日。○故明大學士馮銓來歸。○明兵部尚書史可法奉福王由松監國南京。福王立南京，建元宏光，以史可法為東閣大學士，總兵劉澤清、劉良佐、黃得功、高傑分駐淮安、壽春、儀徵、瓜州。

國朝掌故輯要

順治元年

九

鴻文閣

四鎮時五月十五日。

六月戊午，定內院票擬。

大學士馮銓、洪承疇言：明制臣工條奏，下內閣票擬，奏請裁定，已經批紅者，仍由內閣分發各部院以後用人行政，乞發內院票擬，奏請裁定施行。攝政王從之。

壬戌，明諭九行，曰：思宗烈皇帝尋改諡，被宗。○丁卯，攝政王多爾袞議建都燕京，遣輔國公屯齊哈和託等齎奏迎駕。○庚午，太白見，有白氣自西南至東北。○癸未，遣馮銓祭故明太祖及諸帝遺於別所。○禁軍民侵擾聖賢祠廟。○甲申，以故明太祖神牌入歷代帝王廟。○乙酉，

詔內外各衙門印信並鑄滿漢字樣。○秋七月己亥，設故明長陵以下十四陵司香內使各四人。○壬子，攝政王多爾袞致書明東閣大學士史可法。

書云：予向在瀋陽，即知燕京物望咸推司馬，後入關破賊，得與都人士相接，識介弟。史可法之弟名可程，城陷來歸。於爾班，曾託其手勸平安，拳致衷緒，未審以何時得達。比聞道路紛紛，多謂金陵有自立者，夫君父之讐，不共戴天，春秋之義，有賊不討，則故君不得書葬，新君不得書即位，所以防亂臣賊子，法至嚴也。聞賊李自成稱兵犯關，手毒君親。

國朝掌故輯要

順治元年

十

鴻文閣

中國臣民不聞加道一矢，平西王吳三桂界在東陞，獨效包胥之哭。朝廷感其忠義，念累世之宿好，棄近日之小嫌，爰整貔貅，驅除梟獍，入京之日，首崇懷宗帝后諡號，卜葬山陵，悉如典禮。親郡王將軍以下，一仍故制，不加改削。勲戚文武諸臣，咸在朝列，恩禮有加，耕市不驚，秋毫無擾。方擬秋高氣爽，遣將西征，傳檄江南，連兵河朔，陳師鞠旅，僉力同心，報乃君國之仇，彰我朝廷之德，豈意南州諸君子苟安旦夕，弗審事機，聊慕虛名，顧忘實害，予甚感之。國家之撫定燕京，乃得之於爾，賊非取之於明國也，賊燬明朝之廟社，辱及先人，我

國家不憚征繕之勞，悉索敵賦，代為雪恥，孝子仁人當如何感恩圖報。茲乃乘逆寇稽誅，王師暫息，遂欲雄據江南，坐高漁人之利，揆諸情理，豈可謂平。將以為天塹不能飛渡，投鞭不足斷流耶。夫關賊但為明朝祟耳，未嘗得罪於我。國家也，徒以薄海同仇，特申大義，今若擁號稱尊，便是天有二日，假為勦敵，平將簡西行之銳，轉旆東征，且擬釋彼重誅，命為前導，夫以中華全力，受制潢池，而欲以江左一隅，兼支大國勝負之數，無待智者龜矣。予聞君子之愛人也以德，細人則以姑息。諸君子果識時知命，篤念故主，厚愛賢王，宜勸令削號歸藩，永

國朝掌故輯要

順治元年

十一

鴻文閣

殺福祿。朝廷當待以虛銜，統承禮物，帶礪山河，位在諸王侯上，庶不負。朝廷申義討賊，興滅繼絕之初心，至南州羣彥翩然來儀，則爾公爾侯列爵分土，有平西王之典例在，惟執事實圖利之晚近士大夫，好高樹名義，而不顧國家之急，每有大事，輒同棄舍，昔宋人議論未定，兵已渡河，可為廢鑑。先生領袖名流，主持至計，必能深維終始，審忍隨俗浮沈，取舍從違，應早審定，兵行在即，可西可東，南國安危在此一舉，願諸君子同以討賊為心，毋食一身瞬息之榮，而重故國無窮之禍。為亂臣賊子所笑，予實有厚望焉。記有之，惟善人能受善言。

敬佈腹心。位明明教。江天在望。延跋爲榮。書不盡意。

癸丑雨雹。○乙卯以故明諸帝遺像同歷代帝后像藏通集庫。○八月丙寅葬。昭陵。○乙亥。車駕發盛京。○九月己亥建堂子。○明大學士史可法覆書攝政王不恤。

書云。南中向接好音。法隨遣使問訊。吳大將軍未敢遽通。左右非委隆誼於草莽也。誠以大失無私交。春秋之義。今倥偬之際。忽奉琬琰之章。重不肖從天而降也。循讀再三。殷殷致意。若以逆賊尙稽天討。煩貴國憂法。且感且愧。懼左右不察。謂南中臣民偷安。江左竟忘君父之仇。故爲貴國一詳陳之。我大行皇帝敬天法祖。

國朝掌故輯要

卷九

主

一

勤政愛民。眞堯舜之主也。以庸臣誤國。致有三月十九日之事。法待罪南楓。救授莫及。師次淮上。凶問遽來。地坼天崩。山枯海泣。嗟乎。人就無君。雖肆法於市朝。以爲泄泄者之戒。亦奚足謝先皇帝於地下哉。爾時南中臣民哀痛如喪考妣。無不捐膺切齒。欲悉東南之甲立剪。克仇而二三老臣謂國破君亡。宗社爲重。排與迎立。今上以繫中外之心。今上非他。神宗之孫光宗猶子。而大行皇帝之兄也。名正言順。天與人歸。五月朔日。駕臨南都。萬姓夾道歡呼。聲聞數里。羣臣勸進。今上悲不自勝。讀再讀三。從允監國。遣臣民伏闕。屢請始以十五日正。

位南都。從前鳳集河。瑞應非一。卽告廟之日。紫雲如蓋。祝文升霄。萬目共瞻。欣傳盛事。大江湧出。楠梓數十萬章。助修宮殿。豈非天意也哉。越數日。遂命法師。誦江北刻日。西征。忽傳我大將吳三桂。偕兵。○貴國破走逆賊。爲我先皇帝后發喪。成禮。婦清宮闕。撫輯羣黎。且罷薙髮之令。示不忘本朝。此等舉動。振古鑠今。凡爲大明臣子。無不長跪北向。頂禮加額。豈但如明論所云。感恩圖報已乎。謹於八月。薄治僎僎。遣使備前。謹命。我連兵西討。是以王師既發。復次江淮。乃欲明誨。引春秋大義。來相詰責。善哉。善哉。乎。推言之。然此文爲列國君薨。

國朝掌故輯要

卷九

主

一

世子應立。有賊未討。不忍死其君者。立說耳。若夫天下共主。身殉社稷。青宮皇子。慘變非常。而猶拘牽不卽位之文。坐昧大一統之義。中原鼎沸。倉猝出師。將何以維繫人心。號召忠義。紫陽綱目。踵事春秋。其間特書如莽。稱漢鼎光武中興。王廢山陽。昭烈踐祚。懷愍亡國。晉元嗣基。徵欽業。宋高繼統。是皆於國仇未剪之。且亟正位號。綱目未嘗斥爲自立。率皆以正統予之。甚至如元宗幸蜀。太子卽位。於靈武。議者疵之。亦未嘗不許以行權。幸其光復舊物也。本朝傳世十六。正統相承。自治冠帶之族。續絕存亡。仁恩起。貴國昔在先朝。風靡對。

就職在盟府甯不聞乎今痛心本朝之難驅除亂逆可謂大義復著於春秋矣昔契丹和宋正歲輸以金縷回紇助唐原不利其土地況貴國篤念世好兵以義助萬代瞻仰在此一舉若乃乘我蒙難乘奸崇仇窺此幅隕爲德不卒是以義始而以利終爲賊人所竊笑也貴國豈其然乎往者先帝軫念潢池不忍盡擄剿撫互用貽誤至今今上天縱英明刻刻以復仇爲念廟堂之上和衷體國介冑之士飲泣枕戈忠義民兵願爲國死竊以爲天亡逆國當不越於斯時矣語曰樹德務滋除惡務盡今逆賊未服天誅謀知捲土西秦方圖報復此

國朝聖政輯要

順治元年

高

鴻文閣

不獨本朝不共戴天之恨抑亦貴國除惡未盡之憂伏乞堅同仇之誼今始終之德合師進討問罪秦中其泉逆賊之頭以洩數天之憤則貴國義即照耀千秋本朝圖報惟力是視從此兩國世道盟好傳之無窮不亦休乎至於牛耳之盟本朝使臣久已在道不日抵燕奉盤盂從事矣法北望陵廟無涕可揮身蹈大侮罪應萬死所以不即從先帝者實爲社稷之故傳曰竭股肱之力繼之以忠貞法處今日鞠躬致命克盡臣節所以報也惟殿下實照鑒之宏光甲申九月十五日甲辰 帝自正陽門入宮○庚戌定樂章曰平○壬子恭

奉 太祖武皇帝 太宗文皇帝 神牌入廟○冬十月乙卯朔 上親詣 南郊告祭 天地即 皇帝位 帝定鼎燕京頒正朔於中外越十日甲子 帝御 皇極殿頒 詔畧曰我 國家受 天眷佑締造東土列祖肇興鴻業 皇考式廓前謨遂舉舊邦誕膺 新命迨朕嗣及越在冲齡敬念紹歷承綏厥位頃緣賊氛游熾極中原是用倚任親賢收民塗炭乃方馳金鼓旋奏激清既解困懸非富天下而王公列辟文武羣臣暨軍民耆老合詞勸進懇請再三乃于今年十月初一日祇告 天地 宗廟 社稷即 皇帝位仍建有天

國朝聖政輯要

卷一 順治元年

臣

鴻文閣

下之號曰 大清 定鼎燕京紀元順治緬維 峻命不易創業尤難況當改革之初更屬變通之會爰乃準今酌古揆天時人事之宜庶幾吏習民安新 祖功示德之大勳隆懿親從優封賞悉除故明加派諸弊民間通賦概行豁免故明建言罷諸諸臣及山林隱逸所在以聞民年七十以上給之粟帛吏民人等從前一以罪犯咸赦除之宏敷大賚式沛新恩惟爾萬方與朕一體等 詔開經筵祀 闕里修名處帝王陵寢訓禁內監入班行禮 戶部給事中郝傑奏明末寵任嚴衍致內監杜勲等開

門迎賊請禁內監入班行禮從之

甲子加封多爾袞叔父攝政王

冊文畧曰 太祖肇基鴻業 太宗嗣位 西併蒙古東臣朝鮮 擯土開疆 皇考命叔父征討元裔察哈爾俘其後妃世子獲制詰玉寶又隨 皇考平朝鮮各處征伐皆叔父倡謀出奇 叔父幼而正直義無隱情體國忠貞助成大業 皇考特加愛重賜以寶冊先封和碩睿親王又輔朕登極佐理朕躬思功德高於周公昔周公奉武王遺命輔立成王代理國政盡其忠孝皆武王已成之業我 皇考上賓之時宗室諸王人人覬覦

國朝掌故輯要

卷九

六

一 鴻文閣

有援立叔父之謀叔父堅誓不允念 祖宗創業艱難克彰大義將宗室不軌者盡行處分以朕係 文皇帝子不爲幼冲胡戴擁立國賴以安及乎明國失紀流賊竊位叔父又率領大軍入山海關破賊兵二十萬遂取燕京撫定中夏迎朕來京膺受大寶此皆周公所未有而叔父有之碩德豐功宜昭揭天下用加崇號封爲叔父攝政王錫之冊寶復 賜朕十三顆珠頂

丁卯加封鄭親王濟爾哈朗爲信義輔政叔王復肅親王豪格晉封武英郡王阿濟格豫郡王多鐸俱爲親王○癸酉命和碩英親王阿濟格爲靖遠大將軍帥師西討李

自成○定攝政府親王多爾袞冠服房樸制

帽頂東珠十三顆金佛前嵌東珠七顆後金花嵌東珠六顆帶每板嵌東珠六顆猶睛石一顆帶川淺黃暖用八團龍坐褥冬貂皮夏繡龍房基高十四尺樓三層覆以綠瓦脊四邊俱用金黃色

命和碩豫親王多鐸爲定國大將軍帥師征江南○定諸王貝勒貝子公等冠服宮室之制○十一月設看守故明十二陵陵夫神宗萬曆殿 景 順 二○張獻忠僭號於成都崇禎大順元年 祖因此不設陵夫其餘皆設

順治二年明宏治元年是年六月宏治元年是年六月春二月明翰林院修撰陳名夏

國朝掌故輯要

卷一 順治二年

七

一 鴻文閣

降○李逆自成奔商州三秦底定

豫王移南伐之師直搗嶺南英王東西征之施濟自綏德旬月之間全秦底定李逆奔商州

投誠睢州總兵許定國斬明鎮將興平伯高傑河南平李成棟降○以祁素格爲內宏文院大學士○三月甲申釐定歷代帝王廟祀

先是明祀元世祖不及遼金各帝至是祀遼太祖以耶律魯附祀金太祖金世宗以完顏粘沒罕完顏幹離不附祀元太祖以木華黎伯顏並以明功臣徐達劉基附祀歷代帝王廟